



ATASSUT

UPA2015/23

Siverth K. Heilmann

29.04.2015.

Allanut ajunngitsuliorneq inuiaqatigiinnik kivitseqataaneq, utertitsiffigineqarnissamik akissarsinissamilluunniit siunertaqanngitsoq, inooriaatsitsinni annertunerujussuarmik ileqquliuteqqittariaqarnerata qanoq iliornikkut aaqqissuussamik piviusunngortinneqarsinnaanera pillugu apeqquteqaat aallaavigalugu oqallinnissamik siunnersuut.

(Inatsisartunut ilaasortaq Vivian Motzfeldt, Siumut)

Inatsisartuni ilaasortaq Vivian Motzfeldt, Siumut apeqquteqaat aallaavigalugu oqallisissiaqarneranut ATASSUT-miit imatut naatsumik oqaaseqassaagut.

Siusinnerusukkut qulequttamut tassunga assingusumut oqallittarnitsinut, qanga pisarsimasut siulittalu imminnut susassareqatigiillutik ikioqatigiilluinnarlutillu ukiorpassuarni nersunaqisumik inuuniallaqqissusiat kiisalu ullutsinni inuunerup perorsaariaaseq allarpassuartigullu pissutsit allanngorluinnarsimanerannik imalinnik oqaaseqarajuppugut.

Apeqquteqaat aallaavigalugu oqallisissiaqartup qulequtsiinera tunngavilersuutaalu aallaqqaataaniik naggataanut ima ilumoortigaat ersaritsigalutillu, imaanngitsoq oqallisissiaq suusupagalugu isummorsorfigerusunngikkipput, tunngavilersuulli ilumoorluinnarnerinik qularutiginnilarput partiiniit tapersiilluartoqassasoq, uvagut ATASSUT-miit taamatut isumaqarpugut.

Qanoq isumaqataalluinnarnerput paatsoorneqarsinnaanngimmat taamatut naatsukullannguamik ATASSUT-miit oqaaseqarpugut oqallisissiaqartullu torrallaaneranut qujalluta.